

A EFESO. Gikan sa tuig 31-100. Hangtud sa kamatayon ni Juan.

B ESMIRNA. Gikan sa tuig 100-323. Hangtud sa pagkakabig ni Constantino.

- ❖ Ang iglesia sa Esmerna mao ang iglesia sa pagkamartir. Bisan kinsa nga nagdumili sa pagsimba sa emperador gibilanggo ug gipatay.
- ❖ Si Jesus wala magtino og kaluyahon niining iglesiaha. Siya nagtambag kanila nga nakapadasig sa mga Cristiano sulod sa kasiglohan: “Ayaw kalisang... Himoa ang pagkamaunongon kanako bisan pa sa kamatayon, ug hatagan ko ikaw sa purongpurong nga kinabuhi.” (Pinadayag 2:10)

C PERGAMO. Gikan sa tuig 323-538. Hangtud nga gihatag ni Justinian ang politikanhong gahum sa Papado.

- ❖ Ang buhing emperador gisimba sa unang higayon didto sa Pergamo niadtong 29 BC. Ang diosdios nga Asklepios gisimba usab.
- ❖ Pipilang katawhan sulod sa iglesia nagtudlo nga husto ang pagbuhat sa ingon (Balaam ug mga Nicolaitan)
- ❖ Si Jesus nagahatag kanilang higayon nga maghinulsol. Kon dili, sila pagasilotan sa mahait nga espada nga nagagula sa Iyang baba.
- ❖ Ang kusog sa Iglesia mitiob-ob sa doktrina ug sa espirituwal taliwala sa ika-4 ug sa ika-6 ka siglo. Sila nanginahanglan sa tinapay sa kinabuhi (“ang tinagong mana”) sama sa atong gibuhay karon.

D TIATIRA. Gikan sa tuig 538-1517. Hangtud sa Repormasyon ni Luter.

- ❖ Sa Tiatira, ang mga artesano kinahanglan apil sa mga ritwal sa mga paganong templo aron makasalmot sa kapunongang pangnegosyo. Ang mga pangulo sa iglesia nagpadasig sa mga Cristiano sa pagkompromiso (gitawag sila nga mga “Jezebel”)
- ❖ Atol Tunga-tungang Kautigan, ang mga dili edukadong masa adunay usa ka dakung relihiyosong kainton (2:19), apan ang mga pangulo sa iglesia maoy nagdagta sa Critianong pagtoo. Niadtong 538 AD, ang Impiro naghatag kaniyang kagahum. Gipulihan nila ang pagpataliwala ni Cristo og tawhanong pagpataliwala, ug nagtudlo nga ang kaluwasan mapalit o maangkon pinaagi sa mga binuhatan.

E SARDIS. Gikan sa tuig 1517-1798. Hangtud nga ang Papa nabilanggo.

- ❖ Niadtong 1517, ang Repormasyon nagpatuboy pag-usab sa kamatuoran. Gikasubo, taliwala niadtong 1565 ug 1740, ang repormadang iglesia nahugno ngadto sa walay kinabuhing pormalismo.
- ❖ Nagahangyo si Jesucristo kanato sa pagpangitag espirituhanong pagkamaayo ug sa pagbiling hinlo sa atong pagtoo. Siya mohatag kanatog puti nga mga sapot.

F FILADELFIA. Gikan sa tuig 1798-1844. Hangtud sa kataposan sa 2,300 ka mga adlaw.


- ❖ Usa ka relihiyosong pagpabuhi sa tibuok kalibutan nagsugod sa hinapos sa ika-18 ka siglo ug nagpadayon hangtud sa tunga-tunga sa ika-19 ka siglo.
- ❖ Wala pagsaway alang niining iglesiaha, apan adunay “naablihan pultahan,” usa ka bag-ong panan-aw sa espirituhanong mga kamatuoran sa Langitnong Sanctuaryo.
- ❖ Kita gipadasigan sa paghupot kon unsay atong nabatnan. Si Jesus magbutang sa Iyang batasan (Iyang ngalan) kanato, ug kita magapuyo sa walay kataposan uban Niya.

G LAODICEA. Gikan sa tuig 1844... Hangtud sa Kataposan.

- ❖ Ang mga Laodiceanhon mga datu tungod sa komersyo, sa ilang hamiling itom nga balahibo sa mananap, ug ang ilang tambal sa mata nga gikan sa Perga. Adunay init nga tubod duol sa ciudad, didto sa Hierapolis. Kana nga tubig gipadagan ngadto sa ciudad pinaagi sa usa ka dagkung tubo nga hinimo gikan sa lapok.
- ❖ Walay maayong butang nga gisulat mahitungod niining iglesiaha. Nahibalo si Jesus sa atong personal nga espirituhanong kinabuhi ug nagapadasig kanato sa pagkuha unsay atong gikinahanglan gikan Kaniya.
 - Bulawan: Pagtoo (1 Pedro 1:7)
 - Puting mga bisti: Kaluwasan ug pagkamatarung (Isaias 61:10)
 - Tambal sa mata: (Efeso 1:17-18)
- ❖ Siya mapugsanon nga nagatoktok sa pultahan sa atong mga kasingkasing. Kon pasudlon ta Siya ug magpuyo uban Niya, molingkod kita uban Niya sa Iyang trono.

Talagsaon kon giunsa paggamit sa Dios ang mga hiyas sa pito ka piho nga mga iglesia sa Asia (adunay daghang mga simbahan didto) aron ipakita ang umaabot nga kasaysayan sa Simbahan.

Ang mga mensahe giparis sa estilo sa mga Hudeo: ang nahauna giparis sa ikapito, ang ikaduha sa ikaunom, ang ikatulo sa ikalima, ug ang ikaupat doble sa pagpalapad (naglarawan sa labing mangitngit nga panahon sa kasaysayan sa Simbahan).



Ang matag usa sa mga mensahe gihan-ay sa sunod nga paagi:

- a) Gipaila si Jesus
- b) Gibana-bana ang simbahan
 - ❖ Mga Kalig-on
 - ❖ Kahuyang
- c) Tambag
- d) Tawag ug saad (*)

(*) Ang unang tulo ka mga iglesia adunay ⁽¹⁾ tawag sa pagpamati ug ⁽²⁾ saad.

Ang kataposang upat ka iglesia adunay ⁽¹⁾ saad, ug ⁽²⁾ tawag sa pagmati.